



Action funded by the European Union

EU4Environment

Armenia, Azerbaijan, Belarus, Georgia, Republic of Moldova, Ukraine

Հայաստան

Կանաչ տնտեսության զարգացմանն
ընդառաջ «ԵՄ-ն հանուն շրջակա
միջավայրի» ծրագրի 2019-2020թթ.
ընթացիկ աշխատանքները

Action implemented by:





«ԵՄ-ն հանուն շրջակա միջավայրի» ծրագրի 2019-2020թթ. ընթացիկ աշխատանքները

ԵՄ-ի կողմից ֆինանսավորվող «ԵՄ-ն հանուն շրջակա միջավայրի» ծրագիրը 2019թ.-ից աշակցում է Հայաստանին և Արևելյան գործընկերության (ԱԷԳ) մյուս հինգ երկրներին՝ իրականացնելու կանաչ վերափոխմանն ուղղված նպատակները: Ծրագիրն օգնում է երկրներին պահպանել իրենց բնական կապիտալը, բարձրացնել մարդկանց բնապահպանական բարեկեցության մակարդակը՝ շրջակա միջավայրի պահպանությանն ուղղված գործողություններին աջակցման, «կանաչ» աճի հնարավորությունների բացահայտման և ցուցադրման, ինչպես նաև բնապահպանական ռիսկերի և ազդեցությունների արդյունավետ կառավարման մեխանիզմների սահմանման միջոցով:

2020թ.-ին ԶՈՎԻԴ-19-ի համավարակը զգալիորեն ազդեց աշխատանքների իրականացման վրա: Չնայած այս անսխալեղ պլուզալ մարտահրավերին՝ Ծրագիրն իրականացրեց նախատեսված գործողությունները և ձեռք բերեց կոնկրետ արդյունքներ:

Այս բրոշյուրում ներկայացվում են 2019-2020թթ.-ին «ԵՄ-ն հանուն շրջակա միջավայրի» ծրագրի շրջանակներում իրականացված աշխատանքները և Հայաստանում ու տարածաշրջանային մակարդակով ձեռք բերված կոնկրետ արդյունքները:



«Կանաչ» տնտեսությանը նպաստող որոշումների կայացում

- Շրջակա միջավայրի վրա ազդեցության գնահատման (ՇՄԱԳ) ուղեցույցների մշակում, ներառյալ անդրսահմանային համատեքստում: Ուղեցույցներն օգնում են ազգային շահագրգիռ մարմիններին ՇՄԱԳ փաստաթղթերի պատրաստման և գնահատման, «Անդրսահմանային համատեքստում շրջակա միջավայրի վրա ազդեցության գնահատման մասին» Էսպոյի կոնվենցիայի և համապատասխան ազգային օրենսդրության կիրառման գործում:

- Կանաչ տնտեսության քաղաքականության մշակման թեմայով խորացված վերապատրաստման դասընթաց: Հատուկ առցանց դասընթացին մասնակցեցին ինը քաղաքացիական ծառայողներ: Նրանք սովորեցին գնահատել ու վերլուծել կանաչ տնտեսության, կայուն սպառման և արտադրության մոտեցումները, ինչպես նաև ընդգրկել դրանք ազգային և ոլորտային քաղաքականությունների ու ռազմավարական ծրագրերի մեջ:



ԻՍԿ ԴՈՒՔ ԳԻՏԵԿՔԸ, որ, ըստ ԵՄ-Հայաստան 2017 թվականի Համապարփակ և ընդլայնված գործընկերության համաձայնագրի (ՀԸԳՀ) Հայաստանը պարտավորվում է իրականացնել ԵՄ շուրջ 65 իրահանգներին համապատասխան ազգային օրենսդրության մոտարկման գործընթաց: Այն նպատակաուղղված է թափոնների կառավարման և աղբավայրերի շահագործման համապատասխանությանը ԵՄ ստանդարտներին՝ իրականացնելով 2017-2036թթ. Կոշտ կենցաղային թափոնների կառավարման համակարգի զարգացման ռազմավարությունը:



Շրջանաձև տնտեսություն և աճի նոր հնարավորություններ

- Փոքր և միջին ձեռնարկությունների (ՓՄՁ-ներ) շրջանում Էկոլոգիապես մաքուր արտադրության խթանում. Պլաստիկի և ձկնարտադրության ոլորտների 14 ՓՄՁ-ներ իրենց գործունեության մեջ ներդրվում են Էկոլոգիապես մաքուր արտադրական գործընթացներ՝ օգտվելով Ռեսուրսների արդյունավետության և մաքուր արտադրության (ՌԱՄԱ) գնահատման գործընթացից:
- ՌԱՄԱ միջոցառումների իրականացման մոնիթորինգ. Վերլուծության ընթացքում հնարավոր եղավ բացահայտել այն ընկերություններն, այդ թվում՝ «ԷԼԲԱՏ» ՓԲԸ-ն և «Լուկաշին գյուղատնտեսական ասոցիացիա» կոոպերատիվը, որոնք ավելի արդյունավետ են օգտագործում հումքը և կրճատում են Էներգետիկ, ջրային ռեսուրսների օգտագործման, թափոնների և արտանետումների ծավալները:
- Արդյունաբերության ոլորտում ՌԱՄԱ ցուցանիշների գնահատման թեմայով դասընթացներ. Մի շարք մարզական վեբինարների միջոցով հայաստանյան փորձագետներին տրվեցին գիտելիքներ ու գործիքներ

պլաստիկի արտադրության, ձկնարտադրության և արդյունաբերական այլ ոլորտներում ՓՄՁ-ների Էկոլոգիական արդյունավետության գնահատման համար:



- ՌԱՄԱ-ի շրջանակներում Էներգետիկ կառավարման համակարգի թեմայով վերապատրաստում. Վերապատրաստման ընթացքում վերահանվեցին մասնաթերթի և շոկոլադի արտադրության, մետաղների վերամշակման ՓՄՁ-ներում առկա Էներգետիկ կառավարման խնդիրները: Մասնագիտական քննարկումներ ծավալվեցին Էներգետիկ փորձաքննության վերաբերյալ՝ ցուցադրելով ՌԱՄԱ մեթոդաբանության կիրառումը:
- Կանաչ արտադրության զարգացման մեջ գենդերային բաղադրիչի ընդգրկում. Հայաստանում տեղի ունեցած դասընթացի ընթացքում քննարկվեց՝ ինչ դեր ունեն կանայք ՓՄՁ-ների կառավարման գործընթացում և ինչպես ուժեղացնել նրանց ներգործությունը ՓՄՁ-ների կանաչ գործունեության վրա:



ԻՍԿ ԴՈՒՔ ԳԻՏԵԿՔԸ, որ Հայաստանի պլաստիկ թափոնների կրճատման նոր ռազմավարական ծրագրի արդյունքում նվազել է «ԱՐՄԵՆԻԱ ՊԼԱՍՏ» ՍՊԸ-ի նման ընկերությունների արտադրանքների պահանջարկը: «ԵՄ-ն հանուն շրջակա միջավայրի» ծրագրի հայաստանյան ՌԱՄԱ թիմի հետ համագործակցության շնորհիվ ընկերությունը մշակում է Էկոլոգիապես մաքուր բիզնեսի ռազմավարություն:



Էկոհամակարգային ծառայություններ և կենսապահովման միջոցներ

- Կենսաբազմազանություն և կայուն անտառտնտեսություն: 2020թ.-ի վերջին Եվրոպական միության և Համաշխարհային բանկի միջև ստորագրվեց համաձայնագիր, որի հիման վրա վերջինս 2021թ.-ին «ԵՄ-ն հանուն շրջակա միջավայրի» ծրագրի հետ կիրականացնի համատեղ գործողություններ: Աշխատանքներն ուղղված կլինեն վեց ԱԳ երկրներում, այդ թվում՝ Հայաստանում Էկոհամակարգային ծառայությունների և կենսապահովման միջոցների բարելավմանը: Դրանք կնպաստեն Չմրուխտե ցանցի (Էմերալդ

ցանցի) ամրապնդմանը և գոյություն ունեցող պահպանվող տարածքների կառավարմանը: Բացի դրանից, կխթանեն նաև անտառների արդյունավետ պահպանումն ու կայուն օգտագործումը, ապօրինի առևտրի կանխումը, կանաչ ֆինանսավորման նոր գործիքների մասին իրազեկության բարձրացումը, որի նպատակն է ապահովել անտառների և Էկոհամակարգային ծառայությունների կայուն կառավարումը:





Էկոլոգիական «խաղի պայմաններ»



- ՓՄՁ-ների կանաչ գործունեության արդյունավետության գնահատում. ՓՄՁ քաղաքականության ցուցիչի գնահատումները ցույց տվեցին, որ 2016թ.-ից հետո Հայաստանն առաջընթաց է գրանցել ՓՄՁ-ների կանաչ գործունեության առումով՝ ՓՄՁ-ների պետական աջակցության տարեկան ծրագրի մեջ ներառելով ՓՄՁ-ների կանաչ գործունեությանն ուղղված աջակցությունը: Այդուհանդերձ, լավ կլիմի, որ մեկ կազմակերպություն ստանձնի ՓՄՁ-ների կանաչ գործունեության խթանման պատասխանատվությունը:
- ԵՄ առկա լավագույն տեխնոլոգիաների վերաբերյալ վկայակոչված փաստաթղթերի կիրառելիությունը Հայաստանի հանքարդյունաբերության ոլորտի թափոնների նկատմամբ. Աշխատանքների նպատակն է գնահատել՝ ԵՄ առկա լավագույն տեխնոլոգիաների վկայակոչված փաստաթղթերի կիրառումը հանքարդյունաբերական թափոնների նկատմամբ որքանով կբարելավի հանքարդյունաբերության ոլորտի բնապահպանական վիճակը՝ մասնավորապես Սյունիքի մարզում:
- Հայաստանում բնապահպանական պահանջների կատարման ապահովման համակարգի ամրապնդում. Վերլուծության նպատակն է վերհանել բնապահպանական պահանջների կատարման ապահովման համակարգի թերությունները և ներկայացնել դրա բարելավմանն ուղղված առաջարկություններ:
- Հանածո վառելիքի սուբսիդիաների վերաբերյալ 2010-2019թթ. տվյալների գույքագրում՝ ՏՀԶԿ/Միջազգային էներգետիկ գործակալության տվյալների շտեմարանում ընդգրկման համար. ՏՀԶԿ/Միջազգային էներգետիկ գործակալության՝ հանածո վառելիքի սուբսիդիաների վերաբերյալ տվյալների բազայում Հայաստանի և ԱլԳ մյուս երկրների տվյալների ընդգրկումը կարևոր քայլ է տվյալ բնագավառում թափանցիկության բարձրացման համար: Այդպիսով ԱլԳ երկրների կառավարությունները նաև բացահայտ ներկայացնում են իրենց երկրներում էներգետիկայի ոլորտին ուղղված պետական աջակցության ծավալները:
- Մինչև 2030թ. կլիմայի փոփոխության գործողությունների ներդրումային կարիքների գնահատում. Արդյունքներն օգտագործվում են Ֆինանսների նախարարության հետ քննարկելու այնպիսի հարցեր, ինչպիսիք են՝ կլիմայական նպատակների իրագործման համար ֆինանսական միջոցների համախմբումը, ներդրումների պլանավորումը և կապիտալի հայթայթման սխեմաների մշակումը:
- Կանաչ պարտատոմսերի շուկայի հնարավորությունների բացահայտում. Աշխատանքները ներառում են կանաչ պարտատոմսերի օգտագործման հնարավորությունների վերլուծություն՝ ցածր ածխածնային և կայուն տնտեսության համար լրացուցիչ միջոցների հայթայթման նպատակով:
- Շրջակա միջավայրի ոլորտում վարչական կարողությունների զարգացում. Վերլուծությունն ուղղված է կանաչ տնտեսության զարգացման վարչական կարողությունների գնատմանը, բացերի վերհանմանը և բարեփոխումների վերաբերյալ առաջարկների ներկայացմանը:



ԻՍԿ ԴՈՒՔ ԳԻՏԵԿՔ, որ ԱլԳ երկրների, այդ թվում՝ Հայաստանի հանածո վառելիքի սուբսիդիաների վերաբերյալ 2010-2019թթ. տվյալներն ընդգրկված են ՏՀԶԿ/Միջազգային էներգետիկ գործակալության հանածո վառելիքի սուբսիդիաների և ՏՀԶԿ կանաչ աճի ցուցանիշների տվյալների բազաներում: Օրինակ՝ 2018թ.-ին Հայաստանում հանածո վառելիքին ուղղված աջակցությունը կազմում էր համախառն ներքին արդյունքի 0.04%-ը: Պետական աջակցությունն ամբողջությամբ ուղղվել է հանածո վառելիքի սպառողներին: <https://stats.oecd.org/>

Հայաստանում ԶՈՎԻԴ-19-ի արձագանքման «կանաչ» միջոցառումները

2020 թվականը հատկանշական էր ԶՈՎԻԴ-19-ի անսխադեպ գլոբալ մարտահրավերով, որն ազդեց ամբողջ աշխարհի բնակչության առողջության և սոցիալ-տնտեսական վիճակի վրա: Տրանսֆերտների նվազումը, որը տեղի ունեցավ համավարակով պայմանավորված սահմանափակումների և միգրանտներ ընդունող երկրներում գործազրկության աճի հետևանքով, բացասական ազդեցություն ունեցավ Հայաստանի տնտեսության վրա, որտեղ տրանսֆերտները կազմում են համախառն ներքին արդյունքի 11%-ը: Ոչ ֆորմալ հատվածի ավելացումը (ընդհանուր զբաղվածության 52.1%-ը) էլ ավելի սրեց համավարակի սոցիալ-տնտեսական ազդեցությունը: Արժույթի միջազգային հիմնադրամի գնահատականների համաձայն՝ 2020թ.-ին կանխատեսվում էր Հայաստանի ՀՆԱ-ի մինչև -4.5% անկում՝ համեմատած 2019թ.-ի 7.6%-ի հետ, իսկ 2021թ.-ին՝ մինչև 3.5%: Բացի դրանից, մինչև 22.3% գործազրկության աճ էր կանխատեսվում 2020թ.-ի համար և 21.1%՝ 2021թ.-ի համար՝ համեմատած 2019թ.-ի 18.9% -ի հետ:


Տնտեսության անկումը կանխելու նպատակով՝ Հայաստանն արտակարգ միջոցառումներ ձեռնարկեց համավարակի սոցիալ-տնտեսական հետևանքների մեղմացման ուղղությամբ: Այդ միջոցառումներից մի քանիսը, որոնք բերված են ստորև, նպաստում են բնապահպանական նպատակների իրագործմանը:

- **Ծառատնկում, աշխատատեղերի ստեղծում:** Հայաստանում ընդունվեցին 21 պետական աջակցության ծրագրեր՝ միջոցառումների լայն շրջանակով, որի նպատակն էր ԶՈՎԻԴ-19-ի համավարակի ընթացքում աջակցել տնտեսվարող սուբյեկտներին ու բնակչության խոցելի խմբերին: Ծրագրերից մեկն ուղղված էր անտառապատման միջոցով զբաղվածության ապահովմանը: Գետերի երկայնքով ուռնենիներ տնկելու և տնկիների տարածքը ցանկապատելու դիմաց աշխատողները վաստակեցին օրական մինչև 10 000 դրամ (մոտ 16 եվրո): Ծրագրի արդյունքում ակնկալվում է առվազն 1 000 սեզոնային աշխատատեղերի ստեղծում: 2020թ.-ի հունիսի 1-ի դրությամբ ավելի քան 2 միլիոն տնկի էր տնկվել:
- **Տնտեսության վերականգնման ծրագրի մեջ «կանաչ» միջոցառումների ներառում:** Հայաստանը դիմել է Ազգային մակարդակով սահմանված ներդրումների գործընկերությանը (NDC Partnership), որպեսզի վերջինս աջակցի ԶՈՎԻԴ-19-ի վերականգնման փաթեթում կանաչ միջոցառումների ընդգրկման հարցում: Այդ կապակցությամբ ՀՀ Էկոնոմիկայի նախարարությանը 12 ամսով կտրամադրվի ավագ տնտեսական խորհրդատու:

Սոցիալ-տնտեսական ենթատեքստ

Բնակչություն, 2019թ.՝ 2.958 մլն

Իրական ՀՆԱ-ն մեկ շնչի հաշվով, 2019թ.՝ 12 024 ԱՄՆ դոլար 2015



- **Կանաչ տեխնոլոգիաների ներդրման համար ՓՄՁ-ների ու օժանդակում:** Համավարակի ընթացքում Եվրոպական միությունը, համագործակցելով այնպիսի բանկերի հետ, ինչպիսիք են՝ ԱԿԲԱ-ԿՐԵԴԻՏ ԱԳՐԻԿՈԼ բանկը և ԱՄԵՐԻԱԲԱՆԿ-ը, լրացուցիչ միջոցներ հատկացրեց՝ ՓՄՁ-ներին հատուկ պայմաններով վարկեր և դրամաշնորհներ տրամադրելու համար՝ հատկապես կանաչ տեխնոլոգիաների ներդրման նպատակով:
- **Նոր հնարավորություններ գյուղատնտեսության համար:** ՀՀ Էկոնոմիկայի նախարարությունը, ՎՉԵԲ-ի Գործարարության աջակցման գրասենյակի և Ներդրումների աջակցման կենտրոնի հետ համատեղ, կազմակերպեց «Գործարարությունն ընդդեմ ԶՈՎԻԴ-19-ի» թեմայով վեբինարներ: Դրանցից մի քանիսը վերաբերում էին գյուղատնտեսության ոլորտին, մասնավորապես՝ բույսերի մշակման ու պահպանությանը, գյուղատնտեսության զարգացման նոր հնարավորություններին, հիդրոպոնիկ բույսերի աճեցմանը, որն ավելի քիչ ջուր է պահանջում և պակաս վնասակար է հողի համար:

Հայաստանում վերոնշյալ միջոցառումների իրականացմանն աջակցելու նպատակով՝ ԵՄ-ն հանուն շրջակա միջավայրի» ծրագիրն առցանց խորհրդատվություն անցկացրեց ՀՀ պետական պաշտոնյաների հետ: Մասնակիցները վերլուծեցին երկրի իրավիճակը՝ ԶՈՎԻԴ-19-ի լույսի ներքո, և բնարկեցին ինչպես կարելի է «ԵՄ-ն հանուն շրջակա միջավայրի» ծրագրի գործողությունները համատեղել ճգնաժամի «կանաչ» հաղթահարման հետ:

Տարածաշրջանային գործողություններ

- ՌԷԳ-ի և անդրսահմանային ՇՄԱԳ-ի կիրառմանը նվիրված ենթատարածաշրջանային աշխատաժողով: ԱլԳ երկրների, այդ թվում՝ Հայաստանի շրջակա միջավայրի պահպանության պետական մարմինների ավելի քան 40 ներկայացուցիչներ փորձի փոխանակում կատարեցին շրջակա միջավայրի վրա ազդեցության գնահատման ազգային համակարգերի մշակման բնագավառում: Նրանց նաև տրվեց ուղեցույց և հատուկ վերապատրաստում՝ շրջակա միջավայրի վրա ազդեցության գնահատման գործիքների և միջազգային հաջողված փորձի կիրառման վերաբերյալ:
- Տեսանյութ՝ Անդրսահմանային ՇՄԱԳ ընթացակարգեր/«Անդրսահմանային համատեքստում շրջակա միջավայրի վրա ազդեցության գնահատման մասին» Էսպոյի կոնվենցիա: Տեսանյութը խթանում է ՇՄԱԳ ընթացակարգերի և ԱլԳ երկրներում դրա հետ կապված օգուտների մասին իրազեկվածությունը:
- Բնապահպանական կառավարման համակարգերի (ԲԿՀ) թեմայով տարածաշրջանային վերապատրաստում: Վերապատրաստման դասընթացին մասնակցեցին ԱլԳ երկրների ավելի քան 50 փորձագետներ: Ավստրիական շոկլադ արտադրողի օրինակի հիման վրա մասնակիցները դիտարկեցին արտադրության ամբողջ ցիկլը՝ կակաոյի հատիկներից մինչև վերջնական արտադրանքի ստացումը: Նրանք նաև մշակեցին ԲԿՀ-ի հիմնական փուլերը՝ շահագրգիռ կողմերի վերլուծությունից մինչև համապատասխանության ապահովման չափորոշիչները:
- Էկոարդյունաբերական պարկերի գործունեությանը նվիրված տարածաշրջանային աշխատաժողով: ԱլԳ և Կենտրոնական Ասիայի երկրների ավելի քան 140 ներկայացուցիչներ իրականացրին Էկոարդյունաբերական պարկերի գործունեության վերլուծություն: Դրա համար նրանք կիրառեցին միջազգային լավագույն փորձը, որը ներառում է՝ պարկերի բնակիչների սոցիալ-տնտեսական և էկոլոգիական ցուցանիշների բարելավում, ռեսուրսների արդյունավետության և շրջանաձև տնտեսության խթանում, պատասխանատու բիզնես գործունեության նորարարական ուղիների ստեղծում:
- Առկա լավագույն տեխնոլոգիաների (ԱՏ) վերաբերյալ տարածաշրջանային սեմինար: Սեմինարի ավելի քան 50 մասնակիցները գնահատեցին ԱլԳ երկրներում, այդ թվում՝ Հայաստանում ԱՏ մոտեցումների կիրառման արդյունավետությունը: Ուսումնասիրելով ԱՏ-ների կիրառման բնագավառում գործընկեր երկրների և ԵՄ անդամ պետությունների փորձը՝ նրանք քննարկեցին նաև մարտահրավերներն ու ձեռքբերումները:
- Բնապահպանական պահանջների կատարման ապահովման բնագավառում ռիսկերի վրա հիմնված մոտեցումների կիրառման թեմայով տարածաշրջանային սեմինար: Ավելի քան 50 պաշտոնյաներ ու փորձագետներ, այդ թվում նաև Հայաստանից, կատարեցին փորձի փոխանակում և ծանոթացան ԵՄ և ԱլԳ երկրներում բնապահպանական պահանջների կատարման ապահովման բնագավառում ռիսկերի վրա հիմնված մոտեցումների կիրառման լավագույն փորձին: Սեմինարին մասնակցեցին նաև Բնապահպանական օրենսդրության կիրարկման (ԲՕԿ) ԵՄ ցանցի ներկայացուցիչները:
- «ԵՄ-ն հանուն շրջակա միջավայրի» տարածաշրջանային ասամբլեայի երկու հանդիպումները, որոնց ընթացքում գնահատվեց «ԵՄ-ն հանուն շրջակա միջավայրի» ծրագրի իրականացման արդյունավետությունը, և համաձայնություն ձեռք բերվեց գործողությունների պլանների վերաբերյալ: Հանդիպումները նաև հարթակ տրամադրեցին տարածաշրջանային մակարդակով գիտելիքների և լավագույն փորձի փոխանակման համար:



ԻՍԿ ԴՈՒՔ ԳԻՏԵԻՔ,

որ «ԵՄ-ն հանուն շրջակա միջավայրի» ծրագիրը բարելավել է իր կայքը: Այն այժմ ամփոփ տեղեկատվություն է տրամադրում ԱլԳ երկրներում կանաչ քաղաքականությունների իրականացման վերաբերյալ:


2020թ.-ի դեկտեմբերի 31-ի դրությամբ «ԵՄ-ն հանուն շրջակա միջավայրի» ծրագիրն ուներ տեղեկագրի 329 բաժանորդ և սոցիալական ցանցերի 150 000 հետևորդ:

Բաժանորդագրվեք մեր ամսական տեղեկագրին և հետևեք մեզ [Facebook](#)-ում:

Հայաստանի կանաչ աճի ցուցանիշները: Ի՞նչ են դրանք մեզ ասում:


1

Էկոլոգիական ցուցանիշների և ռեսուրսների արդյունավետություն Որբան բարձր է CO₂-ի արտանետումների կրճատման և էներգետիկ արդյունավետությունը, այնքան քիչ է աղտոտված տնտեսությունը, բարձր է ռեսուրսների արդյունավետությունը, իսկ կլիման ու շրջակա միջավայրը բարենպաստ են:




2

Կյանքի որակի Էկոլոգիական ցուցանիշը Որբան փոքր է մաքուր մասնիկների ազդեցությունը, այնքան օդը մաքուր է, մարդիկ առողջ են, և կառավարության ծախսերը քիչ են:




3

Բնական ծագում ունեցող ակտիվներ Բնական ռեսուրսների կայուն պաշարների առկայությունը երաշխավորում է դրանց կայուն օգտագործումը, որը կարևոր է կանաչ տնտեսության կայացման համար:



4

Տնտեսական հնարավորություններ և դրանց ուղղված քաղաքականություններ Հանածո վառելիքի սուբսիդիաների չեղարկումը կարող է հանգեցնել հարկաբյուջետային դեֆիցիտի կրճատման, վերականգնվող էներգիայի մրցունակության բարձրացման, ածխածնի արտանետումների և օդի աղտոտվածության նվազման:



«ԵՄ-ն հանուն շրջակա միջավայրի» ծրագրի մասին



Action funded by the European Union

«ԵՄ-ն հանուն շրջակա միջավայրի» ծրագիրը մեկ ընդհանուր ռազմավարական նախաձեռնություն է, որի նպատակն է ապահովել կանաչ տնտեսությունը նպաստող որոշումների կայացում, կայուն տնտեսություն և կանաչ աճ, «խելացի» բնապահպանական կանոնակարգեր, Էկոհամակարգերի պահպանություն և գիտելիքների փոխանակում:

● Բյուջե՝ շուրջ 20 մլն եվրո վեց ԱԼԳ երկրների համար (որից 19.5 մլն եվրոն՝ ԵՄ-ի ֆինանսավորմամբ)



● Իրականացման ժամկետ՝ 2019-2022թթ.

● Իրականացնող կազմակերպություններ՝ Տնտեսական համագործակցության և զարգացման կազմակերպություն (ՏՀԶԿ), ՄԱԿ-ի եվրոպական տնտեսական հանձնաժողով (ՄԱԿ ԵՏՀ), ՄԱԿ-ի շրջակա միջավայրի ծրագիր (ՄԱԿ ՇՄԾ), ՄԱԿ-ի արդյունաբերական զարգացման կազմակերպություն (ՄԱԿ ԱԶԿ), Համաշխարհային բանկ

● Ընդհանուր ղեկավարումը՝ Եվրոպական հանձնաժողով

● Հայաստանում հիմնական գործընկերները՝ Շրջակա միջավայրի նախարարություն, Էկոնոմիկայի նախարարություն

«ԵՄ-ն հանուն շրջակա միջավայրի» ծրագրի համառոտ ակնարկ. ԱԼԳ երկրները 2020թ.-ին



Հետևեք մեզ՝



www.eu4environment.org/



www.facebook.com/EU4Environment-100539842031096



www.youtube.com/channel/UCi1GrwqTT-WJ30ztZMPq3xw



www.flickr.com/photos/182351066@N07



<http://eepurl.com/gUNbg1>

Կապ



eu4environment@oecd.org

Դիպելներ. Այս երկրի նկարագիրը պատրաստվել է Եվրոպական միության ֆինանսական աջակցությամբ: Այստեղ արտահայտված տեսակետները որևէ կերպ չեն արտացոլում Եվրոպական միության, նրա անդամների կամ Արևելյան գործընկերության երկրների կառավարությունների պաշտոնական կարծիքը: Այս փաստաթուղթը և այստեղ ներառված ցանկացած բովանդակություն չեն խախտում որևէ տարածքի կարգավիճակը կամ ինքնիշխանությունը, միջազգային սահմանները, որևէ տարածքի, բաղադրի կամ շրջանի անվանումը:

Սղբյուրներ՝ ՏՀԶԿ վիճակագրական տվյալներ՝ կանաչ աճի ցուցանիշների վերաբերյալ (բնակչություն, իրական ՀՆԱ, տնտեսական կառուցվածք, ԿԱՑ-ներ), Համաշխարհային բանկի տվյալների բազա (տրանսֆերտներ), ԱՄԿ-ի համաշխարհային տնտեսական հեռանկար (ՀՆԱ և գործազրկության կանխատեսումներ), ՏՀԶԿ փաստաթուղթ՝ «ԱԼԳ երկրներում ԶՈՎԻԴ-19-ի արձագանքումը» (տրանսֆերտներ, ոչ ֆորմալ հատված, արդյունաձևավոր նյութերի վերաբերյալ տվյալներ, ԶՈՎԻԴ-19-ի արձագանքման կանաչ միջոցառումներ), Աշխատանքի միջազգային կազմակերպության (ՄԱԿ) փաստաթուղթ՝ «Կանաչ և տղամարդկանց դերը ոչ ֆորմալ տնտեսության մեջ. վիճակագրական պատկեր» (ոչ ֆորմալ հատված), «ԵՄ-ն հանուն շրջակա միջավայրի» ծրագրի ազգային խորհրդատվությունների ժամանակ երկրների ներկայացուցիչների կողմից առաջարկված միջոցառումները (ԶՈՎԻԴ-19-ի արձագանքման կանաչ միջոցառումներ), ծրագրի ազգային համակարգողների և ծրագրի իրականացնող գործընկերների ներդրումները:

Action implemented by:

